



KEMENTERIAN WILAYAH PERSEKUTUAN

Aras G-7, Blok 2, Menara Seri Wilayah, Presint 2, 62100 Putrajaya

Tel: 03-8889 7888 Faks: 03-8889 7957

Laman web: www.kwp.gov.my

SIARAN MEDIA

UNTUK LIPUTAN MEDIA MASSA

PROGRAM NUR RAMADAN WP 2016/1437H MERAIKAN ASNAF DI KAMPUNG DATUK KERAMAT, KL

KUALA LUMPUR, 19 Jun 2016 – Kementerian Wilayah Persekutuan (KWP), Dewan Bandaraya Kuala Lumpur (DBKL) dengan kerjasama Pusat Khidmat Masyarakat Titiwangsa, Majlis Agama Islam Wilayah Persekutuan (MAIWP), Yayasan Al Bukhary, Yayasan Kesejahteraan Bandar dan Yayasan Wilayah Persekutuan menganjurkan Program Nur Ramadan Peringkat Parlimen Titiwangsa 2016/1437H di Kampung Datuk Keramat. Kira-kira 500 orang asnaf, anak-anak yatim, warga emas, ibu tunggal, OKU diraikan bersama-sama komuniti Titiwangsa pada hari ini dalam mengimarahkan bulan Ramadan Al-Mubarak.

2. Program Nur Ramadan Wilayah Persekutuan yang telah dilaksanakan sejak tahun 2009 merupakan kerjasama strategik pihak kementerian dan agensi dengan organisasi Korporat, NGO's dan Pusat-Pusat Khidmat Masyarakat di Wilayah Persekutuan. Ianya merupakan program tahunan KWP dan DBKL dalam usaha mengeratkan silaturrahim antara pihak kerajaan dengan komuniti Wilayah Persekutuan Kuala Lumpur. Objektif utama penganjuran program ini adalah untuk memperkukuh dan memperkayakan interaksi antara pihak kementerian dan agensi dengan warga kota dalam menerapkan nilai rasa kasih sayang dan prihatin khususnya kepada golongan susah dan mereka yang kurang berkemampuan.

3. Program Nur Ramadan yang diadakan di 11 Parlimen WP Kuala Lumpur tahun ini melibatkan 6000 orang asnaf, anak-anak yatim, warga emas, ibu tunggal, OKU dan mereka yang kurang berkemampuan. Masing-masing akan menerima sumbangan wang tunai RM150.00 setiap seorang semasa program Nur Ramadan di setiap parlimen. Ini merupakan inisiatif kerjasama strategik antara KWP dan Majlis Agama Islam Wilayah Persekutuan (MAIWP) melalui Baitulmal dengan menyumbangkan RM75,000.00 kepada 500 orang asnaf mereka yang kurang berkemampuan di Parlimen Titiwangsa.

4. 500 orang penerima sumbangan ini juga turut menerima 10 kilo beras dan 2 kilo gula sumbangan Yayasan Al Bukhary serta set telekung dan sejadah dari Yayasan Kesejahteraan Bandar. Manakala, Masjid Al-Akram pula menerima sumbangan wang tunai RM10,000.00 dari Yayasan Wilayah Persekutuan bagi tujuan menaiktaraf kemudahan masjid. Kerjasama strategik KWP dengan pihak MAIWP, Yayasan Al Bukhary, Yayasan Kesejahteraan Bandar dan Yayasan Wilayah Persekutuan bagi Program Nur Ramadan Wilayah Persekutuan ini adalah selaras dengan dasar kerajaan dalam melaksanakan *National Blue Ocean Strategy* (NBOS).

5. Adalah diharapkan melalui Program Nur Ramadan ini dapat memberi impak yang besar dalam penglibatan rakyat secara umum serta memberi peluang kepada komuniti untuk menyertai setiap aktiviti dan program yang dianjurkan oleh pihak kerajaan menerusi Pusat-Pusat Khidmat Masyarakat di Wilayah Persekutuan. Ini seterusnya dapat mencetuskan semangat muhibbah antara masyarakat dan melahirkan rasa bersyukur kepada Allah S.W.T terhadap nikmatNya di bulan Ramadan yang mulia ini.

Disediakan oleh:

Bahagian Komunikasi Korporat
Kementerian Wilayah Persekutuan

19 Jun 2016